

# PICTAVIENSIS COMITATVS.

253

mitatus sunt *Touars* ad *Tovium* Fluvium, *Brosse*, *Bridieres*, *Roche-Chouart*. Baronatus Dominiique honore insignita sunt Opida non pauca, quæ turbato, ut in oculos veniunt & mentem, ordine ponam: *Mainlers*, ubi piscatio Salmonum, Alosarum, quæ Clupeæ aliis, Balænarum & Asellorum præcipue, qui arefacti vento-que & frigore indurati in varias regiones solent exportari: *Partenay*, *S. Maxent*, *Melle*, *Chizay*, *Chauvigny*, *Lussac*, *Bressuire*, *Charrou*, *Chasteneuaye*, *S. Mesmin*, *S. Gillis*, *Chasteaumur*, *les Sables d'Aulonne*, *S. Hermine*, *Montaigu*, Opidum cum Arce, Salinis nobile: *Mirebeau*, *la Motte*, *S. Beray*, *Vouvan*, *S. Hilaire*, *Mortemer*, *Luzaz*, *S. Sa-um*, *l'Isle Jourdain*, *S. Benoist du Sault*, *Bourg-neuff*, *Meroil*, *Mervant*, *Brige*, *Vouwer*, *Villetaignaix*, & alia. Fuisse & in Pictonibus *Limonum* colligitur ex Antonini itinere quod *Burdigala* ducitur *Augustodunum*: *Limonon*, *Ptolemæo*; In Tabula Itineraria scribitur *Lomounum*. Illud magni Viri putant idem esse transnominatione quadem, cum *Augustorico*, *Poitiers*. Nihil audemus hic affirmare. *Limoni* mentio in Commentario A. Hirtii ter: ubi tamen quidam Libri *Lemovicum* contra fidem & auctoritatem Manuscriptorum Codicum præferunt. Fluvii quibus irrigatur sunt *Clavius*, *Vigenna*, nunc *Vienne*, *Vendeus*, & alii, qui Piscium magnam subministrant copiam. Silentio non est hic prætereundum Amphitheatrum apud Pictones *Pago Doveo* adjacens, manu quidem & arte humana factum, sed ita, ut videri possit a natura: totum enim excisum & excavatum est in Monte, sine externa ulla Materiatiōe Calcis, Lapidis, Ligni. Montis ipsius & *Amphitheatri* plenissima est delineatio, ex fide *Levini Kersmakeri*, Consulis quondam *Zirickzai*, *Zelandiæ*que primis hujus belli Motibus *Gubernatoris*, apud *Iustum Lipsium* Libello de *Amphitheatri* quæ extra *Romam* cap. vi: qui *Pagum Doveum* addit ali-quid amplius olim fuisse, cum ex eo non pagani Operis argumento, tum ex Viæ antiquæ publicæque reliquiis, quæ ex pago eodem pertinuit ad *Pontem Cæsarianum*, vulgo *Pont du Sey*, cujus Viæ Pars adhuc variis locis conspicitur. Pars autem maxima corrupta est, Lapidibus in ædificia varie absumtis aut avectis. Medio circiter ab Vrbe *Pictavia* milliari, itinere, quod *Avaricum Biturigum* ducit, in *Via Regia* ingens spectatur Saxum, forma quadratum, quinque lapidibus fulcitum, unde vulgo *la Pierre Levée*. De eo *Distichon* hoc exstat:

*Hic Lapis ingentem superat gravitate Colossum  
Ponderis, & grandi Sydera Mole petit.*

Status Ecclesiasticus habet Episcopatus tres, qui subsunt *Tolosano Archiepiscopo*: *Pictaviensem Poitiers*, in quo sunt *Abbatix* 27: *Luciensem*, *Lucon*, sive *Lusson*, in quo sunt *Abbatix* decem: *Mallacensem* sive *Maliacen-* *Mores*. *sem, Maizey*, in quo sunt *Abbatix* 4. Ad mores venio. Agricola non nihil habet peculiaris Linguæ: quibus qui parum fident, sapere perhibent. Hominum genus, quod, Feras prohibitum, Lites venatur: contentiosum, & in simpulo fluctus excitare gnarum. Urbani dissimilis plane genii & ingenii, faciles, benefici, liberales, candidi, fucos & imposturas detestantes, Eruditionis & Eruditorum, qui hic non pauci, amantes. Nobilitas provida, strenua audentior.

I i ij

Pictaviæ